



UNIVERSITÄTS-  
BIBLIOTHEK  
PADERBORN

# Universitätsbibliothek Paderborn

## Kirchen Calender

Goldwurm, Kaspar

Franckfort am Mayn, 1574

xij Hippolitus ein märtyrer.

[urn:nbn:de:hbz:466:1-46206](https://nbn-resolving.org/urn:nbn:de:hbz:466:1-46206)

bur  
G  
rij  
Clara.

Diese ist ein Christliche Jungfrau von  
Assis in Umbria gewesen / hat gelebet zu  
der zeit Friderici Barbarosse / Sie hat etliche  
Häuser vnd Tempel zur Christlichen versam-  
lung gebawet / vnd sonderlich bey Sanct  
Damians Kirchen / hat sie ein Closter gebau-  
et / darinnen sie ganz keusch vnd Christlich  
gelebet / 42. Jar / vnd den Armen viel Almu-  
sen gutwillig gegeben hat.

Nach dem die Statt Assis von den feinden  
hafftig belagert / vnd allenthalben bezwangt  
war / hat sie nicht allein für sich selbst ernstlich  
zu Gott vmb gnädige erledigung gebetten / son-  
der hat auch ihre Mitschwestern / vnd andere  
fromme Christen zubetten ernstlich vermanet /  
Gott hat auch ihr Gebett erhöret / vnd von der  
Feinde Tyranny gnädiglich erlediget. Sie  
ist in gutem alter friedlich gestorben.

Hip  
A  
rij  
Hippoli-  
tus.

Dieser hat gelebt zu der zeit Decij / des Rö-  
mischen Keyfers / Hat auff befehle des  
Keyfers / den Heiligen Laurentium in das ge-  
fängnuß geworffen / Diemeil er aber die Christ-  
liche bekandnuß vnd beständigkheit / ahn ihm  
gesehen / vnd seine Christliche vermanung ge-  
hört /

Höret/ist er von Sanct Laurentio zum Christli-  
chem glauben bekehrt worden. Nach dem nun  
Hippolitus ohn alle scheuh seinen Christlichen  
glauben bekandt / ward Decius der Tyrann  
ganß vber ihn ergrimmet / vnnnd liesse ihn mit  
Pferden durch die Statt schleiffen / vnnnd von  
einander reiffen. Also ist er in beständiger be-  
kandnuß Ihesu Christi gestorben.

